

## Wien, Österreichische Nationalbibliothek (ÖNB), Cod. 1564

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1241

## D O G M A T I C I .

1242

*tiam. Vnde. Audiam quid loquatur in me dominus deus. Atque ita singula Psalmorum sensa in tres, quatuor, quinas, quin et plures particulias pro aevi illius gustu secando proceditur usque ad Psalmi CXLIX. v. ultimum et sic concluditur: Ut faciant in eis iu. con. Vnde Daniel. ver. Sedit iudicium. et libri aperti sunt. et iudicatum est secundum quod continetur in eis. De Thoma Novoniensi vel fortasse Novomensi altum apud Gesnerum, Oudinum, Fabricium, Egassum Bulaeum, Lelongium silentium. Neque Bibliotectarum Ms. Editores, quorum praecipuos solerter consuluumus, quidquam mussant. Solus Montefalconius pag. 1256. Sermones Thomae de Noyum commemorat, qui nosterne sit, dicere non habemus, opus tamen ipsum ad Sec. XII. aut XIII. pertinere arbitramur. Codicis nostri fol. 1. capitali litera adscriptum est: *Sentencie de Augea*; id quod conjecturam facit, illum quondam in possessione cuiusdam celeberrimorum Monasteriorum, quae Augiae nomen praeferunt, fuisse.*

## CCCXVI.

37<sup>a</sup> Codex membraneus lat. Sec. XIV. Folior. 68. f. per duas columnas exaratus et rubricis distinctus est: *Summa super sententijs Magistri petri*, videlicet dicti Lombardi, cuius Prologus incipit: *Sicut desidiosi et pigri nimium lectoris est obscura et magnis senten-*

*tiiis gratida nolle exponere. ita quoque non studiosi sed superstitionis est ea que plana sunt longis minium et peregrinis exposicionibus bonerare &c. Expositio ipsa: Nos cupientes mittere. i. addere aliquid expositionis in gazophilacium domini. i. in scripturis dei que dicuntur gazophilacium &c. Finis L. IV. mater que non comedit magis delectatur de ipsa re. i. de melle comestio a filio. quam filius delegetur in mel comedendo. Explicit summa sentenciarum. Accedit Index. Difficile est in tanto eorum numero, qui inde a Sec. XII. in Petri Lombardi Sententias commentati et commenti sunt, Autorem praesentis Summae digito monstrare, nisi Curiosorum quis in Exemplar incidat forte fortuna ejus nomine insignitum.*

## CCCXVII.

Codex chartaceus lat. Sec. 215 XV. Folior. 136. f. currente calamo scriptus, olim Petri Lambecii continet I. Commentaria in IV. Libros Sententiarum Petri Lombardi, hoc initio: *Quoniam in paucioribus via magis expedita?* ideo scripta sententiarum communia studendo et legendo cogitui fore congruum omnium questionum conclusiones cum breui declaratione in unum breuiter et ordinate colligere &c. Finis: qui ad gaudia eos secum trahit eterna, ad que nos perducere dignetur &c. Adiectum: *Explicit soluciones supra quatuor libros sentenciarum in scolis prage collecte.*